

**PROPOSTA CONVENIO DE COLABORACIÓN ENTRE O CONCELLO DO CARBALLIÑO E A ENTIDADE "ASDIFICA" PARA ESTABLECER AS CONDICIÓN E COMPROMISOS APLICABLES Á SUBVENCIÓN PREVISTA CON CARÁCTER NOMINATIVO NO ORZAMENTO MUNICIPAL PARA O EXERCICIO 2019**

O Carballiño, 23 de MAIO de 2019

**REUNIDOS**

Dunha parte **D. Francisco José Fumega Piñeiro**, Alcalde- Presidente do Concello do Carballiño (Ourense) exceptuado de sinalar as súas circunstancias persoais por razón do cargo que ocupa, actuando en nome e representación do mesmo.

E doutra, D./D<sup>a</sup>. **Iago De Juana de la Salud** con NIF nº 34976609-A en representación da Entidade "**ASOCIACIÓN DISCAPACITADOS FÍSICOS DO CARBALLIÑO E COMARCA**" (ASDIFICA) con CIF G-32348401 con domicilio principal Avda Julio Rodríguez Soto, nº37,1º actuando en nome e representación da mesma.

**MANIFESTAN**

- I. Que a asociación "ASDIFICA" está adicada á promover o cambio social evitando a marxiación e fomentando a integración e a calidade de vida das persoas con discapacidade . Para a consecución deste obxectivo a asociación desenvolverá diversas actividades.
- II. Que o Concello considera que a labor que realiza "ASDIFICA" constitúe unha manifestación social que quere promover o benestar social da cidadanía levando a cabo actividades de interese xeral que cumpren unha función social, en continua colaboración coas actividades municipais.
- III. É de interese público todas as actividades levadas a cabo por ASDIFICA.
- IV. Que a Lei 7/1985, de 2 de abril, reguladora das bases de réxime local e a Lei 5/1997, de 22 de xullo, da administración local de Galicia, posibilitan nos seus artigos 25 e 80 respectivamente, as funcións de promoción e estímulo de actividades de interese local, recoñecendo como competencias propias dos concellos as de acción social.
- V. As axudas económicas e as subvencións forman parte da actividade de fomento da que a Administración Local pode facer uso co fin de promover e apoiar actividades de interese público que contribúan á satisfacción de necesidades ou intereses propios da comunidade veciñal local. É en definitiva, unha medida de carácter económico tendente a que sexan a propia cidadanía da comunidade local, de xeito individual ou asociativo, os que libremente colaboren co cumprimento de fins colectivos convenientes ou desexables e non dispoñan de recursos suficientes para levar a cabo a actividade de que se trate.
- VI. Que nas Bases de execución do orzamento para o **exercicio 2019** consta a seguinte subvención nominativa:

Aplicación orzamentaria	Entidade beneficiaria	Importe
231.13480.05	ASOCIACIÓN DISCAPACIDADES FÍSICOS DE CARBALLIÑO E COMARCA	3000,00 €

VII. Que a Lei 38/2003, de 17 de novembro, xeral de subvencións (LXS), dispón no seu artigo 22.2 que poderán concederse de FORMA DIRECTA as Subvencións previstas nominativamente nos Orzamentos Xerais do Estado, das Comunidades Autónomas ou das Entidades Locais, nos termos recollidos nos CONVENIOS e na normativa reguladora destas Subvencións, e no artigo 28, establece que os convenios serán o instrumento habitual para canalizar estas SUBVENCIÓNS.

VIII. Que o RD. 887/2006, de 21 de xullo, polo que se aproba o regulamento da lei xeral de subvencións, no seu artigo 66, prevé que nestes supostos o acto de concesión ou convenio terán o carácter de bases reguladoras da concesión para os efectos do establecido na LXS, e determina o contido do mesmo.



Cod. Validación: 92RQMMGZPDNPYZRNLT59KQ6K | Corrección: http://carballino.sedelectronica.gal/  
Documento asinado electronicamente desde a plataforma xestiona estPublico | Páxina 1 a 5



Así pois, de conformidade co establecido nas citadas disposicións, ambas as partes acordan suscribir o presente CONVENIO DE COLABORACIÓN, o cal se rexerá polas seguintes:

## CLÁUSULAS

### 1. OBXECTO DO CONVENIO.

O presente convenio formalízase co obxecto de sufragar os gastos derivados da realización do proxecto "REHABILITACIÓN FÍSICA PARA PERSOAS CON DISCAPACIDADE".

### 2. CONTÍA E CRÉDITO ORZAMENTARIO.

A contía da subvención ascende a 3000,00 euros, que é o importe total do crédito orzamentario autorizado. O devandito crédito é un crédito do capítulo 23113.480.05 para ASDIFICA polo que non poderán aplicarse os fondos a gastos de distinta natureza e finalidade á que é propia dos gastos imputables ó devandito crédito.

Dita contía total (100%) da subvención otorgada impútase ó exercicio económico 2019.

### 3. PERÍODO SUBVENCIONABLE

Este acordo contempla a execución do proxecto "REHABILITACIÓN FÍSICA PARA PERSOAS CON DISCAPACIDADE". Durante o período comprendido no primeiro semestre do ano 2019, dende o 01 de Xaneiro e ata o 15 setembro de 2019.

### 4. COMPATIBILIDADE CON OUTRAS SUBVENCIÓNS.

Esta subvención será compatible con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais, sen prexuízo do que puidese establecer a normativa reguladora das devanditas subvencións ou axudas, sempre e cando o importe da subvención concedida non sexa en ningún caso de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

### 5. OBRIGAS XERAIS DA ENTIDADE/ASOCIACIÓN BENEFICIARIA.

A entidade beneficiaria comprométese a:

- A. Cumprir o obxectivo, executar o proxecto, realizar as actividades ou adoptar o comportamento que fundamenta a concesión das subvencións.
- B. Xustificar ante o órgano que concede a subvención o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce de dita subvención.
- C. Someterse ás actuacións de comprobación, a efectuar polo órgano que concede a subvención, así como a calquera outra de comprobación e control financeiro que poidan realizar os órganos de control competentes, tanto nacionais como comunitarios, achegando canta información lle sexa requirida no exercicio das actuacións anteriores.
- D. Comunicar ao órgano que concede a subvención ou á entidade colaboradora a obtención doutras subvencións, axudas, ingresos ou recursos que financien as actividades subvencionadas.

Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.



E. Acreditar con anterioridade a ditarse a proposta de resolución de concesión que se atopa ao corrente no cumprimento das súas obrigacións tributarias e fronte á Seguridade Social, na forma que se determine regulamentariamente, e sen prexuízo do establecido na disposición adicional décimo oitava da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

O Concello comprobará de oficio que a Asociación non ten débedas pendentes coa facenda local.

F. Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cuantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.

G. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

H. Manter coordinación permanente coa Área de Benestar Social do Concello do Carballiño.

I. Se se realizasen actividades de difusión do proxecto, en calquera soporte, deberá deixarse constancia da existencia de financiamento do Concello do Carballiño.

Así mesmo a entidade responsabilízase de:

- Realizar as actividades que fundamentan o presente convenio.
- Contar cos medios persoais e materiais adecuados para o cumprimento dos fins citados.
- Velar polo cumprimento dos dereitos e obrigas que as leis lles confiran ós beneficiarios do proxecto, debendo realizar unha evolución do proxecto e da actividade.

## 6. GASTOS SUBVENCIONABLES.

1. Consideraranse gastos subvencionables aqueles que de xeito indubitado respondan á natureza das actividades subvencionadas e se realicen no prazo establecido no presente convenio. En ningún caso o custo de adquisición dos gastos subvencionables poderá ser superior ao valor de mercado. A vista do proxecto presentado polo beneficiario, o importe do gasto subvencionable ascende a 3150euros. Dado que a subvención outorgada é de 3000euros, esta representa o 95,23% dos gastos do proxecto presentado.
2. Considerarase gasto realizado o que foi efectivamente pagado dende con anterioridade á finalización do período de xustificación determinado no presente convenio (15.09.2019)

## 7. XUSTIFICACIÓN DA SUBVENCIÓN.

De acordo co artigo 30 da LXS, a rendición da conta xustificativa constitúe un acto obrigatorio que deberá comprender:

- a) Instancia subscrita polo Presidente da Asociación na que solicite a xustificación da subvención outorgada
- b) Presentación da conta xustificativa, que comprenderá:
  - Memoria detallada que inclúa declaración das actividades realizadas, financiadas coa subvención e o seu custo.
  - Relación desagregada de cada un dos gastos realizados con motivo da actividade subvencionada (distinguindo entre gasto total e gasto subvencionable).
  - Presentación de facturas ou demais documentos de valor probatorio equivalentes, con validez no tráfico mercantil ou laboral (TC's, cartas de pago, etc.). Así como os documentos bancarios no que quede identificado o beneficiario, o importe e a data de pagamento das mesmas.



Cod. Validación: 92RQMGEZPDNPXZRNLL159K06K | Corrección: <http://carballino.sedelectronica.gal/>  
Documento asinado electronicamente desde a plataforma xestiona esPublico | Páxina 3 a 5

So se admitirán pagos en metálico conforme ó que dispoñen as Bases de Execución do Orzamento do Concello de O Carballiño que se reproducen literalmente: "Os beneficiarios das subvencións deben utilizar, con carácter xeral, formas de pago a terceiros que poidan acreditarse mediante un documento expedido por entidade financeira no que quede identificado o beneficiario, o importe e a data de pago (cartóns bancarios de crédito ou débito, talóns nominativos, transferencias bancarias, cheques, etc) e só excepcionalmente poderán utilizar o pago en metálico en cuxo gasto no documento deberá constar o selo de pagado, selo de proveedor debidamente asinado, con nome, apelidos e DNI da persoa que recibe o pagamento. En ningún caso, os pagos en metálico poden exceder de 300 euros por cada proveedor e de 1000 euros en cómputo global da subvención outorgada."

- Declaración xurada do beneficiario que acredite que as facturas que se presentan como xustificantes foron aplicadas á actividade subvencionada.
  - Relación desagregada de todos os ingresos que financian a actividade (fondos propios, subvención concedida e outras subvencións). Tamén deberá acreditarse o seu importe, procedencia e aplicación ás actividades subvencionadas.
  - De ser o caso, un exemplar de toda a documentación impresa xerada pola actividade que acredite a participación do Concello do Carballiño.
  - Certificacións de estar ao corrente das súas obrigas fiscais coa Facenda estatal e autonómica, así como coa Seguridade Social. O Concello comprobará de oficio que a Asociación se atopa ao corrente das súas obrigas tributarias coa facenda local.
- c) Os gastos certificados teñen que ser iguais ou superiores ao importe da subvención concedida, en cada tempada.
- d) O prazo para presentar a documentación xustificativa será ata o día **30.09.2019**.

## 8. FORMA DE PAGO.

Pago do 50% da cantidade orzamentada (1500,00€) despois da firma do presente acordo e tras a presentación da solicitude/instancia subscrita polo Presidente da Asociación na que solicite o pago da subvención no número de conta corrente indicada e posteriormente o restante da cantidade acordada (1500€) previa xustificación e ata o 15 de setembro de 2019.

En ningún caso poderán imputarse gastos dun exercicio diferente ao subvencionable (Exercicio\_2019), ou que os gastos non sexan suficientes para xustificar o importe da subvención concedida.

## 9. DIFUSIÓN.

As partes comprométese a destacar a colaboración, obxecto do presente convenio, incluíndo os seus logotipos, en cantos medios se utilicen para a súa promoción e difusión (comunicacións, páxinas web, facebook, etc...) así como nas actividades e na documentación que se xenere como consecuencia do desenvolvemento da mesma, respetando, en todo caso, o logotipo e directrices de imaxe externa que se indique pola entidades.

## 10. INFRANCIÓNS E SANCIÓNNS

En materia de infraccións e sancións estarase ó disposto no Capítulo IX da Ordenanza Xeral Reguladora das Subvencións do Concello do Carballiño (BOP núm. 49, de 2 de marzo de 2015).





11. ENTRADA EN VIGOR E PRAZO DE VIXENCIA

O presente convenio entrará en vigor unha vez aprobado polo órgano municipal competente e suscrito polas partes, mantendo a súa vixencia durante o exercicio 2019.

En todo o non contemplado neste convenio estarase ao disposto na LXS e restante normativa de aplicación.

Así o conveñen as partes e en proba de conformidade con canto antecede asinan o presente documento por triplicado en lugar e data ao principio indicados.

O ALCALDE

A PRESIDENCIA DE ASDIFICA

Asdo. José Francisco Fumega Piñeiro

Asdo.  
  


